



Poziv za nastavnike i nastavnice za angažman na razvoju priprema za časove

Jesu li možda nove pripreme dio vaših odluka za ovu godinu? Jer Step već ima prvu priliku u 2026. godini.



INSKOLA.COM

POZIV ZA NASTAVNIKE I NASTAVNICE: HONORARNI ANGAŽMAN NA RAZVOJU PRIPREMA ZA ČAS

ŠTA ĆETE RADITI?

- **PROĆI TRODNEVNU OBUKU**
- **UZ MENTORSKU PODRŠKU RAZVITI NAJMANJE 9 PRIPREMA ZA ČAS**
- **PILOTIRATI PRIPREME U UČIONICI I DOSTAVITI KRATKE REFLEKSIJE**
- **UČESTVOVATI U VRŠNJAČKOJ RECENZIJU**

NOVČANA KOMPENZACIJA ZA DOSTAVLJENE PRIPREME

Poziv za nastavnike i nastavnice za angažman na razvoju planova učenja u okviru programa InŠkola za mir: Razvoj zajednica prakse nastavnika i implementacije mirovne pedagogije integrirane u kurikulume u Bosni i Hercegovini

Centar za obrazovne inicijative Step by Step poziva nastavnike/nastavnice, osnovnih škola iz Bosne i Hercegovine da se prijave za honorarni angažman na izradi priprema za čas (planova učenja), u okviru projekta InŠkola za mir: Razvoj zajednica prakse nastavnika i implementacije mirovne pedagogije integrirane u kurikulume u Bosni i Hercegovini, realiziranog uz podršku UNICEF-a, a kao dio šireg programa Dijalog za budućnost 3.

Pozadina

Projekat „InŠkola za mir: Razvoj zajednica prakse nastavnika i implementacije mirovne pedagogije integrirane u kurikulume u Bosni i Hercegovini“ usmjeren je ka osnaživanju Zajednice inovativnih nastavnika i nastavnica u online okruženju putem nastavničke društvene mreže InŠkola 2.0. U periodu pandemije i godinama nakon nje, nastavnici i nastavnice se sve više okreću ka neformalnim digitalnim zajednicama koje okupljaju nastavnike, nastavnice i sve strastvene zaljubljenike u odgoj i obrazovanje. Razlog tome nisu samo materijali i resursi za pripremanje i realiziranje nastave nego i potreba nastavnika i nastavnica za podrškom, razumijevanjem, razmjenom iskustava i svakodnevnom inspiracijom koju pronalaze u odnosima sa drugim nastavnicima širom BiH.

Projekat usmjeren je na jačanje zajednica prakse nastavnika i nastavnica te na razvoj kurikularno integriranih pristupa mirovnoj pedagogiji u obrazovnom sistemu Bosne i Hercegovine. U kontekstu fragmentiranog sistema obrazovanja i ograničene praktične podrške nastavnicima za integraciju vrijednosti mira, dijaloga, saradnje, inkluzije i rodne ravnopravnosti u nastavu, program nastoji razviti konkretne, alate primjenjive u učionici koji će nastavnicima pomoći da ove vrijednosti pretoče u svakodnevnu praksu.

Kroz program će biti razvijen kompendij nastavnih priprema koji će biti dostupan putem digitalne platforme InŠkola 2.0, kao i drugih obrazovnih repozitorija, te će služiti kao trajni resurs za profesionalno učenje i razmjenu među nastavnicima. Pored digitalno objavljenih planova, kompendij će biti objavljen i u štampanom izdanju.

Svrha angažmana

U svrhu realizacije programskih aktivnosti, Centar raspisuje poziv za **angažman ukupno 43 nastavnika i nastavnica** koji će aktivno učestvovati u razvoju planova učenja (priprema za čas) integriranih s principima mirovne pedagogije.

Angažman podrazumijeva učešće u obuci, rad u predmetnim radnim grupama, razvoj nastavnih priprema, njihovo pilotiranje u učionici, vršnjačku recenziju i doprinos zajednici prakse na platformi InŠkola 2.0.

Planirano je uključivanje nastavnika/ca osnovnih škola kako slijedi (Broj potrebnih nastavnika za

Nivo obrazovanja	Predmeti i broj nastavnika	Broj nastavnika
<i>Razredna nastava</i>	Razredi 1–5, svi predmeti	6
<i>Predmetna nastava</i>	<i>Maternji jezik</i>	6
	<i>Matematika</i>	2
	<i>Strani jezici (engleski, njemački)</i>	4
	<i>IKT / Informatika</i>	1
	<i>Tehnička kultura</i>	1
	<i>Katolički vjeronauk</i>	1
	<i>Islamski vjeronauk</i>	1
	<i>Pravoslavni vjeronauk</i>	1
	<i>Muzička kultura</i>	1
	<i>Tjelesni i zdravstveni odgoj</i>	2
	<i>Likovna kultura</i>	1
	<i>Građansko obrazovanje / DKR</i>	1
<i>Četverogodišnji predmeti</i>	<i>Historija/Istorija/Povijest</i>	3
	<i>Geografija</i>	2
	<i>Biologija</i>	2
<i>Trogodišnji / dvogodišnji predmeti</i>	<i>Fizika</i>	2
	<i>Hemija/Kemija</i>	2
<i>Jednogodišnji predmeti</i>	<i>Životne vještine / Kultura življenja</i>	1
	<i>Interdisciplinarne jedinice</i>	3

Svaka priprema za čas uključivat će:

- Jasno obrazloženje koje objašnjava kako data tema doprinosi izgradnji mira.
- Jasnu povezanost sa definiranim ishodima učenja, te važećim nastavnim planovima i programima, odnosno, kurikulumima.
- Praktične aktivnosti u učionici, korak po korak, spremne za neposrednu primjenu od strane nastavnika.
- Međupredmetne napomene za povezivanje s drugim predmetima.
- Metodološke smjernice koje podstiču participativne, inkluzivne i refleksivne pristupe u nastavi.

Odabrani nastavnici i nastavnice će proći trodnevnu metodološku obuku u trajanju od 05. do 07.02.2026. godine. Mjesto održavanja obuke bit će naknadno određeno.

Aktivnosti, odgovornosti i zadaci

Odabrani nastavnici i nastavnice će:

1. Učestvovati u inicijalnoj trodnevnoj obuci o mirovnoj pedagogiji, kurikularnoj integraciji i participativnim metodama rada (05-07.02 2026).
2. Raditi u predmetnim radnim grupama uz mentorsku podršku pedagoških mentora i stručnjaka.
3. Razviti najmanje devet (9) planova učenja / nastavnih priprema za čas, u okviru svog predmeta i razreda, koji:
 - su usklađeni s važećim nastavnim planovima i programima,
 - integrišu vrijednosti mira, dijaloga, saradnje i nenasilja,
 - podstiču razvoj socio-emocionalnih, građanskih i kritičkih kompetencija,
 - koriste participativne, kooperativne i refleksivne metode,
 - poštuju principe rodne ravnopravnosti, inkluzije i kulturne osjetljivosti.
4. Učestvovati u procesu vršnjačke procjene (recenzije) razvijenih priprema.
5. Pilotirati odabrane pripreme u svojoj učionici i dostaviti kratke refleksije i povratne informacije.
6. Sarađivati na unapređenju i digitalizaciji materijala za objavu na platformi InŠkola 2.0.
7. Aktivno doprinostiti zajednici prakse kroz online diskusije, razmjenu iskustava i refleksije.

Angažman će se realizirati u periodu od februara do septembra 2026. godine, uz mogućnost učešća u aktivnostima promocije i diseminacije u periodu od septembra do decembra 2026. godine.

Bruto naknada za angažovane nastavnike iznosi cca 1000 KM za set od 9 priprema za čas.

Uslovi prijave

Svi zainteresirani nastavnici i nastavnice treba da dostave pokaznu pripremu za čas i svoj CV koji uključuje podatke o školi, predmetu i razredima u kojima predaju.

Prijave su moguće do 25.01.2026. i šalju se na mail: sasa@coi-stepbystep.ba

Povratne informacije te obavijest o odabranim nastavnicima i nastavnicama bit će dostavljeni 30.01.2026.

Kriteriji odabira nastavnika i nastavnica

- Pokazna priprema za čas (napisana i dostavljena u obrascu koji je sastavni dio ovog poziva i dostupan je na [LINK-u](#))
- Biografija/CV (uključujući i podatke o školi, predmetu i razredima u kojima predajete)
- Kreiran profil na InŠkoli 2.0
- Motivacija za rad sa Zajednicom inovativnih nastavnika i nastavnica
- Organizacijske, komunikacijske i digitalne vještine.

Prijave poslati do 25.01.2026 na mail adresu: sasa@coi-stepbystep.ba

Za sva dodatna pitanja i informacije možete nas kontaktirati slanjem maila na gore navedenu adresu ili pozivom na broj 033 667 673.

Aktivnosti se realizuju u okviru projekta Dijalog za budućnost 3 – DFF3, kojeg provode UNDP, UNICEF i UNESCO, u saradnji sa Rezidentnom koordinatoricom Ujedinjenih nacija, te u partnerstvu s Predsjedništvom Bosne i Hercegovine i Ministarstvom civilnih poslova Bosne i Hercegovine. Projekt finansira Fond za izgradnju mira Generalnog sekretara Ujedinjenih nacija (PBF).



Collections

Profesionalni razvoj